

Broj:1-25-16-4-5292-24/16
Mostar, 26.04.2017.godine

Na osnovu člana 17. Zakona o Agenciji za pružanje usluga u zračnoj plovidbi Bosne i Hercegovine („Službeni glasnik BiH“, broj: 43/09), člana 20. i člana 24. Statuta Agencije za pružanje usluga u zračnoj plovidbi Bosne i Hercegovine („Službeni glasnik BiH“, broj 63/10), člana 64. stav (1) tačka b), člana 70. stav (1), (3), i (6), Zakona o javnim nabavkama Bosne i Hercegovine („Službeni glasnik BiH“, broj 39/14), člana 8. stav (2) tačka f) Pravilnika o uspostavljanju i radu Komisije za nabavke (Službeni glasnik BiH“, broj 103/14), na Preporuku Komisije za javnu nabavku broj: 1-11-16-4-5292-23/17 od 05.04.2017. godine, u postupku javne nabavke usluga održavanja softvera i hardvera za sisteme DPS, MSSR i VCS u pregovaračkom postupku bez objave obavještenja o nabavci, direktor Agencije za pružanje usluga u zračnoj plovidbi BiH na osnovu zaključka sa 43. sjednice Uprave Agencije održane dana 24.04.2017.godine donosi

ODLUKU

o izboru najpovoljnijeg ponuđača

Član 1.

Prihvata se Preporuka Komisije za javne nabavke usluga održavanja softvera i hardvera za sisteme DPS, MSSR i VCS, broj: 1-11-16-5292-23/17 od 05.04.2017. godine, i ugovor za javnu nabavku nabavke usluga održavanja softvera i hardvera za sisteme DPS, MSSR i VCS dodjeljuje se ponuđaču **INDRA SYSTEM, S.A Ctr. LOECHES 9 28 850 TORREJON de ARDOZ, SPAIN**, za ponudenu cijenu od 1.418.625,00 EUR (sa popustom) za period od tri godine, primjenjujući kriterij najniže cijene.

Član 2.

Za izvršenje ove odluke zadužuje se i ovlašćuje Komisija imenovana Odlukom broj: 1-11-16-4-5292-3/16 od 17.01.2017. godine.

Član 3.

Ova odluka objavit će se na web-stranici www.bhansa.gov.ba, istovremeno s upućivanjem ponuđaču koji je sudjelovao u postupku javne nabavke, u skladu sa članom 70. stav (6) Zakona o javnim nabavkama Bosne i Hercegovine.

Član 4.

Ova odluka stupa na snagu danom donošenja i dostavlja se ponuđaču koji je sudjelovao u postupku javne nabavke, u skladu sa članom 71. stav (2) Zakona o javnim nabavkama Bosne i Hercegovine.

Obrazloženje

Odlukom o nabavci broj: 1-11-16-5292-2/16 od 11.01.2017. godine, utvrđena je potreba za nabavkom usluga održavanja softvera i hardvera za sisteme DPS, MSSR i VCS.

U tom cilju, za provedbu postupka imenovana je Komisija za nabavku usluga održavanja softvera i hardvera za sisteme DPS, MSSR i VCS.

U skladu sa Uputstvom za pripremu modela tenderske dokumentacije i ponuda, te u skladu sa Zakonom o javnim nabavkama BiH (Službeni glasnik BiH broj 39/14) Komisija je utvrdila sadržaj zahtjeva za učešće, vodeći računa o sredstvima koja su za ovu svrhu planirana.

U postupku ocjene kvalifikovanosti (sposobnosti) kandidata je utvrđeno da je Komisija za javnu nabavku pravilno izvršila otvaranje prispjelog zahtjeva za učešće o čemu je sačinila zapisnik, u kojima je utvrđeno sljedeće:

- broj zaprimljenih zahtjeva za sudjelovanje je 1;
- da je ukupan broj pristiglih zahtjeva za sudjelovanje 1;
- da je zaprimljen 1 zahtjev za sudjelovanje / dokumentacija za fazu kvalifikacije;
- da je ponuđač INDRA SYSTEM, S.A Ctr. LOECHES 9 28 850 TORREJON de ARDOZ, SPAIN, kvalifikovan;

Ponuđaču je upućen poziv za dostavu početne ponude, a nakon toga ponuđač je pozvan na pregovore u vezi elemenata Ugovora, kao i mogućnosti sniženja cijene.

Nakon održanih pregovora sačinjen je zapisnik, te je ponuđaču upućen poziv za dostavu konačne ponude, a sve u skladu sa Uputstvom za pripremu modela tenderske dokumentacije i ponuda, odnosno u skladu sa članom 2 stav (2) i (3), u kojem je propisano da ako se provodi pregovarački postupak bez objave obavještenja tenderska dokumentacija se izrađuje u dva dijela. Prvi dio tenderske dokumentacije je osnova za izradu zahtjeva za učešće, a izrađuje se u formi poziva zahtjeva za učešće, koji sadrži dovoljno podataka za izradu zahtjeva za učešće. Drugi dio tenderske dokumentacije je osnova za izradu ponude: i to inicijalne i konačne.

Konstatovano da je u predviđenom roku, u propisno zapakovanoj koverti pristigla jedna (1) konačna ponuda ponuđača i to kako slijedi:

INDRA SYSTEM,
S.A Ctr. LOECHES
9 28 850 TORREJON de ARDOZ
SPAIN

U skladu s odredbama ZJN, pristupljeno je otvaranju ponuda o čemu je sačinjen poseban zapisnik o pregledu i ocjeni konačnih ponuda.

Utvrđena je vrijednost dostavljene ponude:

	Naziv ponuđača	Iznos ponude bez PDV-a i sa popustom (KM) za period od 3 godine	Napomena:
1.	INDRA SYSTEM, S.A Ctr. LOECHES 9 28 850 TORREJON de ARDOZ SPAIN.	1.418.625,00 EUR (sa popustom)	Ponuđač je ponudio cijenu u iznosu od 1.455.000,00 EUR, te popust u iznosu od 36.375,00 EUR, te je ukupna cijena konačne ponude sa popustom i bez PDV-a 1.418.625,00 EUR.

Na osnovu analize pristigle ponude konstatirano da je ponuda sačinjena u skladu sa pozivom za dostavu konačne ponude, odnosno da je ista prihvatljiva.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, u skladu sa kriterijima iz tenderske dokumentacije. U postupku ocjene provedenog postupka, Uprava Agencije za pružanje usluga u zračnoj plovidbi BiH nije našla razloge, nepravilnosti niti propuste u radu koji

bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač izabran primjenjujući kriterij najniže cijene, koja je ponuđena u iznosu od 1.418.625,00 EUR (sa popustom).

Iz navedenih razloga, primjenom člana 64. stav (1) tačka b) Zakona o javnim nabavkama Bosne i Hercegovine, odlučeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 30 (trideset) dana od dana objave obavještenja o dodjeli Ugovora.



Direktor
Davorin Primorac
Davorin Primorac

Dostaviti

- INDRA SYSTEM, S.A Ctr. LOECHES 9 28 850 TORREJON de ARDOZ, SPAIN,
- web stranica
- a/a